

原輯南嶽志廿六卷

第十三冊

南嶽志卷十九

寺觀

平江李元度原輯衡山

王香余
歐陽謙校刊

天下名山多浮屠老子之宮蓋眞靈窟宅天特假方外以居
守之嶽爲災方巨鎮宮觀梵宇分布七十二峯間尤著者則
爲朝廷所敕建而其盛衰興廢各有數以主之陵谷滄桑之
變出世與住世其揆一也揚氏伽藍記段氏塔寺記詳哉其
言之矣豈第志勝因哉蓋亦望來者之興復云爾

上封寺在祝融峯一統志舊爲光天觀有司天霍王廟隋大業中
始易爲寺福地志寺爲第二十二光天壇福地張栻集上封寺門

外寒松皆拳曲臃腫樛枝下垂冰雪凝綴如蒼龍白鳳然方輿勝覽寺在祝融絕頂早秋已涼夏亦夾衣木之高大者不過七八尺謂之矮松上有雷池題詠甚多唐僧佛心居此一統志國朝乾

隆十六年奉

旨建祝融殿

雍正十三年奉

旨查明上封寺田四百四十八畝一分零

國朝羅汝懷重修上封寺鐵像記南嶽上封寺前楹鐵像四尊

乃前明嘉靖中先十一世祖北江府君所建族之人弗之知也

汝懷獨得其說於僅存之譜牒中同治四年釋金山募修嶽廟

告之故曰若然像今已剝修復亦須華宗矣以諗子姓則皆忻

然釀錢四百餘緡併闕聖及諸神像悉新之客秋汝懷登嶽瞻

謁緬想先澤穆然興山高水長之思今距修復時又經九載矣

乃補爲記並繫銘曰

南天赫赫聳祝融古寺巍巍標上封邇年修葺廟貌隆四大鐵
像尤傑雄裔孫異代溯祖功重加鼓鑄虔攷工祖職經歷仕大
同厥諱曰相號北江爲母祈福陟危峯峯頭古雪飄朔風殘冬
栗烈鑪爇紅壹志造作堅寸衷孝思卻寒寒不攻四像卓立光
熊熊時維嘉靖中明邦端委畧具佛腹中取證二修家乘同越
三百載尋前蹤修舉廢墜禮當崇本支子孫呼相從水衡百什
爭輸供庶幾鞏固傳無窮 聖清億載垂厯洪永奠嶽瀆長綏
豐

唐釋齊已上封寺詩猿鳥共不到我來身欲浮四方皆碧落絕

頂上清秋宇宙知何極華夷見細流壇西獨立久白日轉神州
宋朱子登上封寺同張敬夫林擇之聯句詩我尋西園路徑上
上封寺竹輿不畱行及此秋容霽磴危霜葉滑林空山果墜崇
蘭供清芳深壑遞幽吹不知山益高但覺冷侵袂路回屹隆崖
突兀聳蒼翠故應祝融尊羣峯拱而峙金碧雖在眼勇往詎容
憩絕頂極遐觀脚力聊一試昔遊冰雪中未盡登臨意茲來天
宇肅舉目淨纖翳遠邇無定形高低同一視永惟元化功清濁
分萬類運行有機緘浩蕩見根底此理復何窮臨風三嘆喟
又至上封寺用擇之韻疇昔朱陵洞如今白帝城天高雲共色
夜永月同明萬里爭回巧千峯盡乞盟登臨須我輩更約羨門

生 胡宏題上封寺詩百年身似客浩蕩世間遊入望青山好

夢魂偏我畱我家巫山十二峯浮江直過巴陵東瀟湘水與蒼
梧通環繞衡嶽青冥中扁舟白雲不可度杖藜蠟屐乘春風山
光浮動可攬結雲舒霞卷飛煙虹深巖大壑翠巘巘足力已到
心無窮羣峯迤邐勢不競上盡祝融五千仞祝融峯高天更高
太空人世如牛毛風雲萬變一瞬息紅塵奔走真徒勞 張栻

約胡廣仲伯逢季立來會上封寺詩相逢傾蓋地回首歎川上
士窮不足怪但喜氣愈王懍然歲寒姿儒林有龍象棲遲似隱
居矍鑠真詩將惟應一彈指欲了四大藏舊習想冰消豈復畱
餘恙新篇何紆徐和氣與醞釀卻思東魯遊幾載南陽薜風霜

摧古木日月隨過浪豈期經世心晚歲成獨往蕭然屋半欹使
我懷抱愴獨有千載傳此事可憑仗細觀宇宙間何得復何喪
尙期浮雲開衡嶽來見狀秋壑采蘭蓀霜林收栗橡曉看日浮
空夜賞雪侵帳更憐二三友前山屹相望文會尙來尋勝跡天
所相妙理須細論長歌卻雄放褰裳請勿疑當仁應不讓 又
上封寺懷元晦詩憶共朱夫子登臨冰雪中劇談無俗調得句
有新功別去雁橫浦童來月滿空遙憐今夕意清夢尙相同

林用中贈上封寺諸老詩上封臺觀靜夕霽景偏清月下聞禪
語風中有磬聲龍池畱古蹟雁塔寄餘情借問房前樹東窗忽
偃生 劉摯題上封寺詩二首磴險梯危路忽窮勝遊須到祝

融峯九千丈外雲間寺一萬年餘石上松引手莫高疑觸斗臨池毋久恐興龍此山惜與中都遠未得君王檢玉封 寒風吹

腦赤霄邊飛鳥猶難到絕巔下見人閒又成海恍驚身世此何天巖腰半白春畱雪僧面多黔日冒煙我亦淮南宗姓後舉家應合到神仙 明劉堯誨宿上封寺詩祝融望不極百道飛靈泉海日流珠急天風孤嶼縣神開金簡祕僧飽石糧眠莫怪耽空寂功成別有緣 羅洪先上封寺詩絕地敞龍宮千峯擁祝

融煙雲遙泛海樓閣盡懸空檻俯湘中樹窗來天際鴻不須談脫屣雙舄正乘風 袁伯璫宿上封寺詩竹杖來方廣繩牀宿上封高低黃葉路隱見白雲峯月度歸林錫風傳隔寺鐘登時

塵想寂箕踞坐長松

〔莊天合遇雨夜酌上封寺詩〕不是秋陰

妒勝遊靈山風雨自相求天花遍灑瀟湘潤洗出林巒面面幽

〔伍讓上封寺詩〕憑虛直躡最高峯野鳥啼煙紫翠重瀑布晝

飛千嶂雨秋聲夜動半山鐘珠林有路通仙界玉檢何年自上

封便欲餐霞生羽翮山靈應恐笑塵蹤

〔王之屏上封凭欄詩〕

竚望南山上一坏振衣千仞此高臺五松寒抱蒼虬卧片石晴

飛玉女來迴合乾坤天外靜變遷雲物望中猜皇封帝秩楸梧

泣入夜猶疑靈氣回

〔周聖楷宿上封寺〕曾在高峯住關門亦

見聞泉深無近響樹老易離羣冷合諸巖氣晴占半夜雲莫教

鐘不定常恐動蒼雯

〔國朝袁奐遇雨宿上封寺詩〕人來螳附

柯寺如蝸黏壁登頂覺坦然形神益爽適白雲山腳生空濛共
一碧入夜心茫茫前山走霹靂萬木瀉秋濤煙鐘難壯激屋瓦
作飛鳴衾裯交洗滌嗒然七尺軀宛與百靈覲空中仙樂聲笙
簫聽歷歷須臾明月光露白空林滴欲睡惱秋蟲孤鐙起自剔
陳希友宿上封寺詩攜手上長離蒼茫入暮時雲生全楚暗
鐘落萬峯知極地懷深畏空天發大疑蹉跎人世裏四十憾來
遲梁珪宿上封寺詩到此雖非盡峯巔卽祝融溼雲連百仞
靈籟落層空撥火寒依佛聽鐘遠辨風只求朝日出深夜禮蒼
穹何隆樞冒雨登上封寺詩冒雨尋幽入上封雲深何處覓
西東千峯疊鎖寒煙裏萬壑重圍宿霧中竹色猶如披月影人

聲恍似在天空乍時瞞我青山面誰敢朦朧壓祝融 易祖杖

宿上封寺詩山色峇嶷澗壑深花宮天半足幽尋松牕無暑連

朝憩丈室忘機盡夜吟日月光華扶法座煙嵐蕩漾靜禪心聽

來萬籟皆成悟泉響風聲悉梵音 陳鵬年宿上封寺詩半生

塵海浩茫茫歷遍東南到上方戶滿白雲真作供身都空界靜

聞香千年龍象搢豐草萬國山河照夕陽酌罷醴泉容借榻佛

鐙無語夜何長 潘宗洛宿上封寺用昌黎韻路入雲梯望日

臺力衰惟杖瘦筇來正看葱鬱嵐初合忽變蒼茫霧不開未了

世緣奚有是躔眠僧榻亦悠哉拈花默向山靈禱絕頂終須到

一回 張九鐔宿上封寺遂登峯頂詩生長衡湘人志不忘名

嶽今年偶削筆學山但止麓入夏寄清涼索居避炎燠暢然獲
舊游策杖探深谷松柏擁靈宮陰陰午香肅丹碧儼昔時瞻拜
記前躅却繞廟後行一逕造幽獨斜陽掛百丈迤邐迷山曲磴
級尙千盤亭半那及腹斗絕南天門緣梯接篙竹暮色羣峯來
回首難駐足大風五月寒凜冽膚生粟徑投上封寺高閣懸鐙
宿玉泉溜石檢鐵瓦覆岩屋夢寐凝精誠鐘鐸發警覺恍疑雷
雨崩又若波濤轟雞鳴仰天視缺月猶一角披衣登日臺霞光
已開駁旋看金鴉起圓鏡如湧轂明珠東海翻火德南離燭遂
凌祝融頂去天不盈握微茫辨五嶺一氣遞回復湘流時向背
遠近分數幅南呼九疑雲北極洞庭目下界歸空濛萬寶肆亭

育練影飄青林絃音寫素瀑仙經閱龍虎石室聞誦讀吹雪與
飛霜豪吟不可續獨歌玉牒辭日月互沐浴朱鳥摩層霄神功
謝冥穆 蕭衍守晚投上封寺詩薄晚行吟向上封秋山寒氣

重於冬半環月隱巖前路一帶烟籠眼底峯飢橐想分明瓚芋
倦筇欲倚念庵松到門清磬消諸慮更聽朱陵絕頂鐘 曠慧

宿上封寺詩曲步危岑屐欲僑尋來有寺矗峯椒半肩詩債收
寥廓一夜遊情縱碧霄老樹枝欺涼月面懸泉水瀑倦雲腰鐘
聲再度凌虛處起看龍車策海潮 潘耒上封寺對雪詩名藍

高踞祝融巔檻外峯巒擁百千一雪幻成銀世界孤筇真到玉
樓天下方隔絕忘何代佛日清幽似少年此境祇應仙獨領客

來分取是奇緣

又白獅子巖過兜率鐵佛雲崖諸菴踏雪抵

上封寺詩山遊不厭奇眾態宜徧歷迴風吹雪來林巒忽改色

沾衣始飄翩灑葉旋淅瀝陽岡薄猶融陰嶺濃遂積瑤臺聳千
尋琪樹森百尺赴壑泉有聲梯空磴無迹僕夫更鼓勇遇庵每
一息薄暝投上封掩扉正禪寂踏雪上天門怪此遠來客圍爐
不禦寒更以濁酒敵境清不得眠微月透簷隙夜分更披衣巡
簷玩虛白卧雪萬仞峯一生無此夕江昱宿上封寺步月詩
峯頂霜高萬籟澄早看皓月上觚棱四山虛白疑瑤海一杖蕭
清共衲僧絕巘光寒松澗鶴疎林風暗石樓鐙應知下界紅羅
夢迥隔瑤臺十二層吳炯上封寺遇雨詩落葉蕭蕭萬木寒

淋漓秋雨濕衣單，天成混沌無人鑿。雲蕩心胸見地寬，洗去塵
寰千種劫。獨存靈府一金丹，向平浮事何時遂。好向名山取次
看，交貫宿上封寺詩。羣峯最上蹴千盤，古寺臨空擴大觀。亂
吼罡風奔怪霧，高擎蟾月照森巒。雲邊竹榻眠蒼鹿，天半芙蓉
嘯紫鸞。入夜波濤驚客枕，卻同滄島障狂瀾。

聶鏹敏上封寺

詩萬丈攀餘此息肩，場開選佛鎮危巔。封崇北極重三錫，地敞
南維尺五天。短樹苔留千古篆，老僧雲共一牀眠。到來妙悟真
無極，始識圓光頂上圓。

林學易上封寺和高邑侯韻

盤恰一方每隨煙霧幻，滄桑峯高客到敲門近。寺古僧閒說法
長，屋瓦堆雲朝復暮。茶鐺汲澗熱旋涼，多才邑有神明宰。點綴

名山入錦章

張世濬宿上封寺詩驟起前山雨空林夜氣蒼

雷聲走萬壑月影靜諸方上界樓臺近南天星斗望悠然塵劫
迥雲卧冷衣裳

鄧顯鶴上封寺詩一宿雲中寺僧言古上封

不知天顥顥但覺氣溶溶呼吸通閭闔晨昏厭鼓鐘明朝湘邵
路依舊飽塵蹤

吳敏樹上封寺遇雨詩老病攜筇更陟峯兜

興行處戰天風上封雨在千山外大地雲迷一氣中食芋已知
生事了探碑久恨古書空甘泉九十猶來此信是人間矍鑠翁

周鏐上封寺詩

天上亦有寺希夷畫壇界入門鐘梵清林樾

散幽籟下視數百里洞然歸盼眎僧居久忘高了不以爲怪偶

作一宿畱茲遊頗稱快身卧白雲中夢在紅塵外

吳錦章上

封寺步月詩嶽頂高寒半夕棲偶尋梵響出招提雲沉大壑蛟

龍睡月轉中峯象緯低帝座高懸珠斗北天弧遙指玉門西時

陞置事未定河山萬里清暉滿極目梯航路不迷鄧輔綸宿上封

寺詩煙鬱雨氣深燈過露光的元谷生虛籟叢篠聞疎滴裂瓦

金鐵鳴覆石顛倒立亂雲隘荒宇陰泉穴寒壁風霆無起止虛

空相薄激拭面如嚴霜踏草滋暗溼迴慮凝古愁矯首眩驚覲

祝聖寺在南嶽廟東南一統志卽古勝業寺唐建初名彌陀臺大

厯末賜號般舟道場貞元間賜名彌陀寺後改勝業寺國朝康

熙四十四年巡撫趙申喬修嶽廟後改建爲行宮擬請

駕南巡因別建寺於沙坪五十三年改行宮爲祝聖寺